

**Grupo Rímiko: UMOJA**

Michèlangelo "MJ" Martina

Francisco "CyberJack" Boelbaai / Michel-Angelo Catal



# Fuerte

Agmeth "Metto" Crafton

~~~~~INTRO~~~~~

Solo kayente ta kimá mi  
Bientu duru u'n ta mové mi  
Mi a krese riba tera seku  
I ainda mi ta pará stret

Pasó mi raís nan

Koro: Ta bon den tera

Fuerte den tera  
Mira mi raís nan  
Fuerte den suela

Koro: nan ta bon den tera  
Koro: Ta bon den tera  
Koro: Nan ta bon den tera

~~~~~PROMÉ STROFA~~~~~

Nos mundu ta kambiando di direkshon  
Prinsipio a keda atras  
Tira afó mané bagas  
M'a nos no a ekstinguí  
Mira nos raís nan  
Fuerte den tera

Koro: Bisa dikon?  
  
Koro: aínda nos ta eksistí  
Koro: Ta bon den tera  
Koro: Nan ta bon den tera

~~~~~SEGUNDO STROFA~~~~~

Forsa vigoroso  
Di todo poderoso  
A laga nos perseverá  
Den tumulto i tempestat

Koro: Sea **enraisá** i edifiká den djE, den djE



Pa ora tormenta yega  
Ku rama nan tembla  
Tur blachi por bula bai bai bai

~~~~~KORO LARGU~~~~~

Koro: M'a 'n ta kua bientu ku waya por wayá'mi bai kuné  
Raís profundo un ta move  
Maske mal tempu ke manda

Koro: 'n ta kua bientu ku waya por wayá'mi bai kuné  
Esun ku sa di unda e la bini  
Sa sigur und'e ta bai

Koro: m'a 'n ta kua bientu ku waya por wayá'mi bai, bai ,bai..  
Den un aña di sekura mi fèrdunan a keda bèrdè  
Beran a bati tera, m'a ata'mi yen fruta

Koro: Bon den tera  
Nan ta bon den tera

Wak nos raís nan  
Fuerte ankrá  
Bientu un por supla  
Kambia nos direkshon  
Hai mira nos raís nan  
Tenas i resistente  
Norma ta tera fuerte  
Pa prinsipio ankra aden  
No ta kua bientu ku waya  
Por ranká'mi bai kuné  
Mi sa di unda m'a bini  
Mi sa unda mi ta  
Mi sa unda mi ke bai  
Ban pa nos yega ayá  
Haiii mi ta motivá bu  
Enkurashabu i apoyá bu  
Wak pa bo raís nan



Bai mas profundo  
Konektá mas ku Señor  
Ta prinsipio di tur kos

Hai bientu lo supla  
Rama por tembla  
Tur blachi lo bai  
M'a kai si no' u'n ta kai

Koro: Heeeeh  
Koro: Ho ooh

Nooo no' u'n ta kai  
Hisa man bo proklam'é  
Afirm'é anto bib'é

Koro: No' u'n ta kai

Wak nos raís nan  
Fuerte ankrá  
Mi sa di unda ma bini  
Mi sa unda mi ta  
Mi sa unda mi ke bai  
Ban pa nos yega atá.....

Hai bientu lo supla  
Rama por tembla  
Tur blachi por bula bai bai bai

Koro: Hee eeh  
Koro: Ho ooh

Koro: U'n ta kua bientu ku waya por wayá'mi bai kuné



“Rais Fuerte den Tera” simbolisando e fortaleza interno, kaminda prinsipio i perseveransia den un mundo ku ta kambia konstantemente ta manera un palu ku rais profundo ku no ta kibra ku tormenta.

E mensahe ta enfatisá ku hende ku tin balor, fé i konosementu di su origen no ta move fasil pa preshon di bida.

E imágen di rais ta simbolisá nos fundeshi spiritual. Apesar di e solo kayente, bientu duru i temporada nan di sekura, e raisnan ta keda firme den tera.

Un inspirashon pa reflekshoná riba nan propio rais, mantené prinsipio firme, i konektá mas profundo ku Dios pa logra persevera i krese.

E mensahe prinsipal ta: **ken ku tin rais profundo, no ta kua bientu por way’e bai.**

Sea **enraisá** i edifiká den djE, den djE: Kolosensenan 2:7